



Antiquae Lectionis Tomus ...

In Qvo XVI. Antiqua Monumenta Ad Historiam Mediae Aetatis Illustrandam,
Nunquam Edita

Canisius, Heinrich

Ingolstadii, 1601

Epistola X. Domino desiderantissimo, & omni sapientiæ decore clarissimo,
David Regi. Flaccus Albinus, Perpetuæ pacis, & gloriæ salutem.

[urn:nbn:de:hbz:466:1-64144](https://nbn-resolving.org/urn:nbn:de:hbz:466:1-64144)

mus, secundum diuitias misericordiae suae, complere, & ^{Philip. 4.} quandocunq; ad effectum perducere deberet. Idcirco audito aduentu memorati legati dilectionis tuae, Arsatij gloriosi spatarij, magnoperè gauisi sumus, confidentes, nos de rebus incertis ad optatam certitudinem peruenturos, & de his, quae praedictis missis tuis ad te perferenda dedimus, responsum esse recepturos. Et re vera ita factum est. Sensimus enim ex parte mea, quod desiderabamus, ad completionem votorum nostrorum, diuini fauorem auxiliij, & in verbis, ac literis, quae per legationem memorati legati perlatae sunt, quamuis ad filium nostrum scripta, & directa essent, non minimam nos desideratae responsionis accepisse portionem.

Proinde omnipotenti DEO, non quales debuimus, sed quales potuimus, gratias agimus, q; cordi dilectionis tuae, quam quaesiuimus, ac desiderabile pacis voluntatem inspirare dignatus est, orantes secundum Apostolum, vt DEVS, ^{Philip. 2.} qui vobis in hac pace, velle, tribuit, ipse perficere tribuisset. Propter quod nihil morâtes, sed omni cunctatione, ac dubitatione penitè abiecta legatos nostros praeparauimus ad tuam amabilem fraternitatem dirigendos.

EPISTOLA X.

Domino desiderantissimo, & omni sapientiae decore clarissimo, Dauid Regi.

FLACCVS ALBINVS, PERPETVAE

pacis, & gloriae salutem.

SOLENT itaque de fonte charitatis saepius verba fluere salutationis, vel, si longinquitas terrarū vocis officia neget, apices dilectionis atramento formati multoties recurrant.

Idcir-

Idcirco supplici voto deprecor, vt liceat nostræ paruitatis chartulam, ad vestræ auctoritatis præsentiam sæpius recurrere, ferentem quæ vel vestræ sapientiæ iocunda, vel nostræ paruitati necessaria esse arbitremur, & opportuna tēpori. Flaccus vester legatur in literis, qui quondam audiebatur in verbis.

EPISTOLA XI.

Domino dulcissimo, & verè dilectissimo
DAVID magnifico, atque à DEO
coronato Regi.

FLACCVS VETERANVS MILES PER-
petuam salutem.

LETISSIMA mihi literarum vestrarum chartula occurrit, febricitantem refocillans, dormientem resuscitans, imò & inertix morbo torpentem, antiquas studens reformare vires, & dulcem verificationis melodiam, inter horribiles armorum strepitus, & inter rancos tubarum sonitus admonuit miscere: quatenus truces animorum motus, aliqua musicæ suauitatis melodia mulcerentur: etsi vestræ mentis nobilissima stabilitas, in vniuersa eademq; soliditatis Archa secū perpetualiter permaneat, & in mediocritatis libramine incōcussa fortitudine vigeat, tamen vt puerorum sæuitia vestrorum, cuiuslibet carminis dulcedine mitigaretur, voluisti etiam, & hoc ipsum sapientissimo consilio præuidisti. Quia sæpe iratæ mentis asperitas, salubris consilij non inuenit affectum, sicut afflicta quoque mollicies animi enervare solet fortitudinem. Sed inter hæc morborum genera medio tramite prudens temperamentum consistit; inde tumentem furorem mitigans
hinc,